

*“Penepo mukankimba ne kuntana, byo
mukankimbidila ne mutyima wenu onso.”*

**MWA
KUYUKILA LEZA**

MWA KUYUKILA LEZA

Monka mwaikadile Abalahama bu “mulunda na Leza,” mwanda wa kikokeji kyandi kudi Leza, abe nobe monka ukokeja kuyuka Leza ne kuyukidija buntu bwandi, ne ndoe yandi, ne dyese dyandi. Kuyuka Leza na *kikokeji kya binebine* ne lukulupilo kudi Aye, i kintu kya buleme kutabuka mu bumi. Tala uno muswelo muyampe Leza kwisokwela Aye mwine kudi boba bonso bakumukimba ne mutyima onso!

Shi walamuke ku dishinda dyobe dyo wadi wenda kadi *ukokele binebine* Leza, Muya Ujila wandi ukekala modi. *Kutupu kintu kikusansanya* na lusa Iwandi *byokulupile* milao yandi kadi umulonda mu kikokeji. Ukekala Leza obe, nobe ukekala wandi wa buleme. Ukayuka’mba wakupotele ku lupoto lukatampe, kadi usaka kwikala nobe mu kipwano—pano ne *nyekeke*.

Lomba Leza akupe kwivwanija pofunda bino bifundwa bya Mwanda wa Leza.

Bisonekwa bidi mu kano kadibuku i biyatwe mu Mukanda Ujila: Kijila (Torah), Ñimboyamitoto (Zabur), bisonekwa bya bapolofeto, ne Myanda Miyampe (Injil).

KUDI LEZA UMO ENKA WA BINEBINE

1

Yehova wetu Leza i Yehova kasku; kadi ukasanswa Yehova Leza obe ne mutyima obe onso, ne muya obe onso, ne bukomokomo bobe bonso.

—Kupituluka mu Bijila 6:4b, 5

Mwanda e mwanenena Yehova wapangile madiulu; aye i Leza, wabumbile panopanshi ne kulonga'po; wakomejeja'po kapangile'popo kwikala bitupubitupu, ehe, wabumbile'po amba pekalwe: Ami ne Yehova, ino kekudipo ungi, ehe. —Isaya 45:18

Amba bantu bonsololo ba panopanshi bayuke'mba: Yehova i Leza; kekudipo mukwabo nansha umo. —1 Balopwe 8:60

E mwanenena Yehova namino amba: Banwe mwi bami batumoni, ne mwingidi wami o natonga, amba muyukidije ne kungitabija, ne kwivwanija'mba: ami ne aye enka. Kekwadipo wambadikidile kubumbwa kudi Leza kumeso ami, nansha umo mwine, nansha wakunondapo mwine kakekalakopo. Amiwa, ke ami, amiwa Yehova kadi; ino po ndi mupandiji ungi patupu'ye, nansha umo mwine.

—Isaya 43:10, 11

Elai meso ko ndi, mwikalei bapande, mafulo onsololo panopanshi'a; mwanda ami ne Leza, kabi-di kekudipo ungi po ndi ami.

—Isaya 45:22

LEZA I WA LUSA NE BUNTU

Yehova i muyule lusa, i wa buntu, ne kwija pa kufuna bulobo, kadi i wa lusa lwa ntanda ne miseke. Ke-muntu monka mulepele mulu peulu pa ntanda, mo monka ne lusa lwandi lwine i lukatampe lwa bonso bamwakaminwe.

—Nimboyamitoto 103:8, 11

Nanshi lusa lwa Yehova i lwakala nyeke ne kunyuma kutula ne ku kala nyeke kwa kumeso kudi boba bamwakaminwe, . . . ne kudi boba bavulukanga bitongwe byandi kwibilonga.

—Nimboyamitoto 103:17a, 18b

Lelo ani Leza wifwene abe, ulekela bukondame, . . . ke-muntu

udi ne nsangaji pa kufwila kanye.
—Mika 7:18

I byakanye bya Yehova byo ketukubijibwepo, mwanda byalusa byandi kupwa mpikila.

—Madilo 3:22

Ino nansha ususula, nanshi ukasokolanga lusa mungya bungi bwa byakanye byandi.

—Madilo 3:32

Kudi wa lusa nabya ukelombola nobe kodi wa lusa.

—Nimboyamitoto 18:25a

A banwe fwijai Yehova, mwanda i muyampe; mwanda kanye kandi kendaenda'tu nyeke.

—1 Bilongwa-bya-Mafuku 16:34

LEZA UKUSENSWE

3

Yehova wamwekele kudi ami kala wanena'mba: Eyo, nakusanswa ne buswe bwa nyeke ne nyeke-ke; po pa mwanda o nakukoka ne kanye ka lusa. —Yelemia 31:3

Mwanda ami ndyukile milangwe yo nalanga ko mudi, milangwe ya ndoe, keyabibipo, ehe; kwimupa lukulupilo ne ku myaka yonso ya kumeso; i Yehova unena.
—Yelemia 29:11

Nemusanswa; i Yehova unena.
—Malaki 1:2a

Monka mufwila shamuntu bāna bandi lusa, E monka mwibafwila lusa Yehova, bamwakaminwe.
—Nimboyamitōto 103:13

Talapo bidi, i pa mwanda wa

ndoe yami po namwena bululu bukatampe. Īno'nka abe (Leza) pa mwanda wa kusanswa muya wami ubanyongolola'o ku lubao lwa kiboya; mwanda ubaela bubi bwami bonsololo kunyuma kobe.

—Isaya 38:17

Batwe netu tuyukile kisansonkya Leza ko tudi, kadi twitabije'-kyo. Ino batwe tusanswañene mwanda Leza wetusenswe dibajinji.
—1 Yoano 4:16a, 19

Yehova Leza obe udi umbukata mobe, i mukomokomo ukapandija; ukakusepelela ne tusepo, ukōlolokwa mu lusa wandi, ukasangala podi abe ne kwimba ponka.

—Zefenia 3:17

4 KINTU KITABUKILE MU BUMI I KUYUKA LEZA

Ino nanshi bantu bayukile Leza
wabo'ba bakakomanga ne kulo-
nga byakulonga na bukomo.

—Danyele 11:32b

Ino nanshi yewa witumbija
etumbije mu kino'ki amba evwa-
nijije ne kundyuka amba amiwa
ne Yehova ulonga byalusalusa, ne
buluji, ne boloke panopanshi;
mwanda mu bino bintu bino'bi e
mo naloelawa; i Yehova unena.

—Yelemia 9:24

Kebo ba katokwe kabو, shabo!
balamine byabukamoni byandi,
bamukimba ne mutyima onso.

—Ñimboyamitōto 119:2

Nakubikila ku meso obe bumi
ne lufu, dyese ne mafingo, ino to-
nga bidi bumi amba wikale mumi,
abewa ne lukunwa lobe lwine; mu
kusanswa Yehova Leza obe, mu
kukōkela diwi dyandi, ne mu ku-
mūminina; mwanda ayewa bo bo-
be bumi.

—Kupituluka mu Bijila 30:19b, 20a

Monka mwabidila kashya tuno-
nganonga twa mema, mo monka
mukwabidila ne muya wami, abe
Leza. —Ñimboyamitōto 42:1

Yehova wamulondolola'mba:
Nkenda nobe pa kuboko kwami,
kadi nkakupa kutalaja senene shē.

—Divilu 33:14

Yehova udi nenu byo mudi nandi banwe; kabidi shi mumukimba aye ukatanwa ko mudi, ino shi mumulekelele, aye nandi ukemulekelela banwe.

—2 Bilongwa-bya-Mafuku 15:2b

Mutyima utabukile bintu byonsololo budimbañani, ubela byamwikomwiko'tu; lelo uyukile'o i ani, a? —Yelemia 17:9

Kudi dishinda muntu unenamba i dyoloke; ino nanshi mfuloyadyo o mashinda a lufu.

—Nkindi 16:25

Mwanda Leza kalekelepo bitupu boba bamwikeulu bapile mambos, enhe. Webelele mu bina bya

mfindi bya mu kalunga ka musono, mo bakungila kutyibilwa mambos. Mfumwetu aye mwine uykile mwa kwibanyongolwela ku bitompibwa byabo boba bamuko-kele, ne kwibashiya umalwa boba bamupelele, kufika'nka mu difuku dya kidye. —2 Petelo 2:4, 9

Ino shi kemukatejepo ku diwi dya Yehova shi mukatombokele kinenwa kya Yehova, nankyo kuboko kwa Yehova kukekala padi banwe. —1 Samwele 12:15a

Yewa kashimetepo ko ndi ami, welwa, wauma'nka bwa mutabi. Mitabi myumu baboyanga'yo be-yela umudilo yatema. —Yoano 15:6

6 PA KUYUKA LEZA TUFWANINWA KUMUKIMBA

Penepo mukankimba ne kuntna, byo mukankimbidila ne mutyima wenu onso. —Yelemia 29:13

Shi umukimba... ne kumukimbidila pamo'ntka bwa bilēme bifibwe, penepo nankyo ukevwanija kwakamwa Yehova, ne kutana kuyukidija Leza. —Nkindi 2:4b, 5

Lombai nyeke mukatambula, kimbai mukamona, kokolai bake-mushitwila. —Mateo 7:7

Ino kwakubulwa lwitabijo kebi-kokejikapo kusangaja Leza. Yewa ufwena kudi Leza ufwaninwe kulkupila'mba Leza udi'ko, upala mpalo boba bamukimba.

—Bahebelu 11:6

Ami nsenswe boba bansenswe;

ino boba bankimba ne bupyasaka-ne bakantana. —Nkindi 8:17

Yehova i muyampe kudi boba bamukungila, kudi muya umukimba. —Madilo 3:25

Wapangile muntu umo, kwabutwilwe mizo yonso ya bantu, webatula pano pansi ponso.... Walongele nabya'mba bantu bamukimbe bababata padi bamutane. Ino aye mwine kadipo kulampe na batwe bonso.

—Bilongwa bya batumibwa 17:26a, 27

Ino ami, nswele kunyemena kudi Leza. Kadi kudi Leza e ko nsaka kutula wami mwanda.

—Yoba 5:8

Mwanda Yehova Leza wenu i wabuntu, ne wakanye, kakavu-ndaminapo mpala yandi ko mudi, shi mwaluke kwadi.

—2 Bilongwa·bya-Mafuku 30:9b

Mwanda abe, Mfumwami, wi muyampe, ne mutyima wa lubilo wa kulekela (myanda), kadi wi wa lusa lwa ntanda ne ntanda ku boba nabya bonso bakwita.

—Ñimboyamitoto 86:5

Fwenai kudi Leza, nandi uke-mufwena. —Yakoba 4:8a

Yehova udi pa bwipi na boba bonso bamwitanga, na bonso bamwitanga mu binebine.

—Ñimboyamitoto 145:18

Ino pano namino iyai twimuke

pamo, e mwanenena Yehova a-mba: nansha byabubi byenu bidi'-nka bwa bityididila pya, bikatoka to-o bwa mpemba; nansha bikele bityila bikundakane, bikekala'nka bwa butonge to-o. —Isaya 1:18

Iyai ko ndi banwe bonso bakoke balemenwa na biselwa, nami nke-mufundula'byo. Twelai mu lupungu lwami, nemufundije, mwanda ne mutuukanye kadi ne wa mutyima wa kwipelula, nankyo muka-kokolokwa biyampe banwe bene.

—Mateo 11:28, 29

Kadi yewa wiya ko ndi nkika-mupangapo nansha dimo.

—Yoano 6:37b

A! Yehova! lelo wifwene na abe
... ukola mu bu-ujila, i ani le?

—Divilu 15:11a

Kutupu nansha umo ukola bwa
Yehova; mwanda kutupu nansha
umo pamo bwa abe.

—1 Samwele 2:2a

Leka! Leka! Leka! kulampe
kwine, Leza kalongapo bibi; kadi
ku Mwinebukomobonso alonge
bukondame. —Yoba 34:10b

Ukola, Ukola, Ukola, Yehova
wa bibumbo; ntanda yonsololo i
miyule ntumbo yandi. —Isaya 6:3b

Ino e mwanenena Mwinemula-
mulamwine, muzunzulwe, wikala-
nga mwa nyeke-ke, wa dijina dya
bu-Ujila, nenki amba: Ngikalanga

mūlu mulampe muntu mukola.

—Isaya 57:15a

Yehova i moloke mu mashinda
andi onso, ne wabuntu mu mingilo
yandi yonso.

—Ñimboyamitōto 145:17

Kekudipo muyampe nansha
umo poso'nka Leza kete.

—Mako 10:18b

A Vidye Mukulu, lelo i anyi ka-
kakutyinapo? Lelo i anyi ukapela
kukutumbija ntumbo? Mwanda i
abe enka moloke kasuku kobe.

—Kusokwelwa 15:4a

Tumbijai Yehova Leza wetu, ka-
di mutōtei pa kalūlu kandi kakola;
Ke-muntu Yehova Leza wetu i wa
bu-ujila. —Ñimboyamitōto 99:9

BANTU BA LEZA BAFWANINWA KWIKALA NE BUMI BUJILA

9

Byoitabije'mba kudi Leza enka umo, i biyampe! Ne bibanda na-byo bitabije'nka nankyo, bizakala ne moyo. Yoo, abe mulembakane! Lelo kujingulwilepo'mba lwitabi-jo lwampikwa bilongwa i lufwe?

—Yakoba 2:19, 20

Shi muntu unena'mba: "Muyukile!", ino kukokela binenwa byandi mpika, nabya i mbepai, munda mwandi kemudipo bubinebine. I kino'ki kiyukanya bana ba Leza ne bana ba Ñongojanyi. Yense kalongalongoapo byoloke nansha ku-sanswa mwanabo mpika, ke mwana Leza po. —1 Yoano 2:4; 3:10

Dishinda dya mupupakane i kya

munyanji kudi Yehova: ino use-nswe yewa ulondelela bōloke.

—Nkindi 15:9

Mwinyingishei kwikala mu ndoe na bantu bonso ne kwikala bapandulwemo, mwanda shi muntu kepandwilepo kakamonepo Mfumwetu. —Bahebelu 12:14

Mwanda Leza wemwityile byadi ujila, nenu ikalai bajila mu ngikadilo yenu yonso. —1 Petelo 1:15

Kimbai biyampe kemukikimbai bibi, mhmm, amba mumone bumi; kadi enka nenki Yehova Leza wa bibumbo ukekalanga nenu, monka mo munenena. —Amose 5:14

Lelo i kika kyaswele Yehova kodi, a? Poso'nka kulonga buluji, ne kusanswa kanye, ne kunanga mu kwiubija na Leza obe. —Mika 6:8b

Ukasanswa Vidye Mukulu, Leza obe, ne mutyima obe onso, ne muya obe onso, ne bukomo bobe bonso, ne milangwe yobe yonso. Kadi usanswe mukwenu'nka mo wisanshilwe abe mwine.

—Luka 10:27b

Uyukile kala bijila'mba: "Koke-paya muntu. Kokalala makoji. Kokeba. Kokekala kamonyi ka bubela. Kokadimbai muntu. Lemeka shobe ne inobe."

—Mako 10:19

Kemukiulai mwikadilo ne bibidiji bya bapanopantanda, enhe. Lekai Leza emwalamwinyinyine tu mu milangwe yenu yonso.

—Bene Loma 12:2a

Penepo uno mukanda-wabijila uno'u kadi keukasonsolokapo mu kyakanwa kyobe, mhm, ino nanshi ukafwatakanyanga'mo dyuba ne bufuku bwine, amba utente-kele kulonga mwendele byonso bilembelwe'mo, mwanda nabya ukalongeja dishinda dyobe ke dilumbuluka, kadi nabya ukamona dyese.

—Yoshua 1:8

Mwikale ne Iwitabijo mudi Leza.

—Mako 11:22b

Kudi bintu bisamba bishikilwe Yehova; eyo, i bisamba-bibidi byo byamunyanji kwadi; Meso a kwaitula, ludimi lwa bubela, kadi ne makasa amwanga mashi ampikwa mambo; Mutyima ulangalanga bilongwa bipupakane, maulu a lubilo kunyemena ku bibi; Kamoni ka bubela kanena byamabela, kadi ne yewa ulengeja luma umbukata mwa bana babo. —Nkindi 6:16-19

Mwanda ami Yehova nsenswe mundudi, nshikilwe bukabwalala ne bukondame. —Isaya 61:8a

Ino boba bamoyomoyo bakanalwa, ne bakubulwa kwitabija, ne bonso balonga byamunyanji, ne bangipayañanyi, ne babuseke-

se, ne bamajende, ne batota bankishi, ne bambepai, bonso bakapebwa kifuko kyabo mu dijiba dya mudilo mudi sufule. Luno'lu lo lufu lwa bubidi. —Kusokwelwa 21:8

Penepo dyumuka i ku mushipiditu wenu, ne kulongapo nansha kimo kya bupupakane padi mukaji wa busongwalume wandi. Nasikwe kupinga mukaji, i Yehova unena. —Malaki 2:15b, 16a

Kemufwatakanyai kibi mu mi-tyima yenu, nansha umo mwine pa mwikadi nandi; kabidi kemuki-sanswaipo mutyipo wa bubelabela; mwanda bino bintu byonsolo-lo'bi e byo nshikilwe ami; i Yehova unena. —Zekadia 8:17

Ino nemuyukile, kadi ndyukile'-mba kemusenswepo Leza munda mwenu'mo. —Yoano 5:42

Mwanda yewa ulamine bijila byonso, ino shi ajilule'ko kimo, nabya wapi mambo a byonso.

—Yakoba 2:10

Penepa kadi kwivwana ko nadi na'mba: Yo-o! malwa ami! Nafu; mwanda ami ne muntu wa milomo ya disubi, kabidi ngikalanga ami umbukata mwa bantu ba milomo ya disubi; mwando meso ami abamone Mulopwe, Yehova wa bibumbo. —Isaya 6:5

Nankyo yewa uyukile kulonga kyampe ino kulonga'kyo mpika nabya wapi mambo. —Yakoba 4:17

Enka mo kisonekelwe'mba: Kekudipo moloke nansha umo. Bonso i bapye mambo, i bakankalwe kufika pa boloke ne bubinebine ne buyampe bwa Leza.

—Bene Loma 3:10, 23

Yense kalongalongapo byoloke nansha kusanswa mwanabo mpika, ke mwana Leza po.

—1 Yoano 3:10b

Batwe bonsololo twadi bapwe kujimina'nka bwa mikōko; twa alamuka bonsololo, muntu ku di-shinda dyandi, muntu ku dishinda dyandi. —Isaya 53:6a

Lelo ukokeja kwimana ku meso a Yehova, uno Leza uno'u ukola, i ani, a? —1 Samwele 6:20b

MINGILO YETU KEIKOKEJAPO KUSANGAJA LEZA 13

Mwanda ndyukididile tu'mba bakankamene mpata kusaka Leza ino bukankamane bwabo kebwendelepo mu kuyukidija binebine. Kebayukilepo molokele Leza ne mwaalamwinanga bantu ke boloke ku meso andi, enhe. Basakile kukomeja miswelo ya abo bene'mba bekale boloke. Kebakokelepo ku muswelo ubingija nao Leza bantu.

—Bene Loma 10:2, 3

Mwanda batwe bonso twalamukile'nka bwa kintu kyadisubi, ne boloke bwetu bwine bonsololo budin'ka bwa mutwelo wa bisasa.

—Isaya 64:6a

Po nena ku wakoloka na'mba: Binebine kwikala mumi ukekala

mumi; ino shi ukulupile boloke bwa aye mwine, penepo walonga bukondame, nabya bilongwa byandi byoloke kebikavulukwapo nansha kimo kine, ino ukafwilanga mu bukondame bwandi bwalonga.

—Ezekyele 33:13

Boba bakokela'nka bungitu kebakokejapo kusangaja Leza. Nankyo i kutupu muntu ukatelwa bu moloke pa mwanda wa kulonga binena Mukanda wa bijila, enhe.

—Bene Loma 8:8; 3:20a

Ketufwatakanyapo nansha patye'mba tukokeja kulonga mwingilo udi nenki ku bukomo bwetu batwe bene, enhe.

—2 Bene Kodinda 3:5a

Kala bubi bwatwelele pano pantanda ku muntu umo, ne lufu nalo lwalonda bubi, lwasambakana ku bantu bonso, mwanda abo bonso bapile mambo. —Bene Loma 5:12

Penepa kusakasaka kubi'kwa kwaimita, kwabutula bubi, bubi nabo bwatama bwabutula lufu.

—Yakoba 1:15

Muya ulonga bubi'wa ukafwanga. —Ezekyele 18:20a

Ino'nka bukondame bwenu bo bwemukalañanya banwe ne Leza wenu, ne bubi bwenu bo bwafija mpala yandi ko mudi, kakivwana-po. —Isaya 59:2

Yewa uningijanga'tu mu boloke bumi bo bwandi: ino yewa ulonda-

londa bibi lufu lo lwandi.

—Nkindi 11:19

E mwanenena Leza namino amba: Lelo i mwanda ka o muji-lwila bijila bya Yehova? kemuko-kejapo kumona biyampe, mhm; mwanda umbalekelela Yehova, aye nandi wemulekelela.

—2 Bilongwa-bya-Mafuku 24:20b

Mwanda butomboki i pamo bwa bubi bwa kubuka, ne lupata lubi i pamo bwa kutōta bankishi ne telafimi. Mwanda ubafutulula kine-nwa kya Yehova, aye nandi waku-futulula abe. —1 Samwele 15:23a

Talapo bidi, abe wakalabele, mwanda twalongele bubi.

—Isaya 64:5b

Leza i mutyibi moloke, ke Leza
kadi, ufunu bulobo mafuku onso.

—Nimboyamitoto 7:11

I pa mwanda wa bino'bi ukafiki-
la bukalabale bwa Leza ku boba
bapela kumukokela.

—Bene Kolose 3:6

Ino nanshi Leza, aye momwa
mulu, ufikija bukalabale bwandi
pa babipyamambo ne pa bakubu-
lwa kumukokela bonso, babilo-
ngwa byabo bibi bikankaja bubi-
nebine munda mwabo.

—Bene Loma 1:18

I bayulwe miswelo yonso ya
bukondame ne bibi byonso ne ma-
nkomwameso ne nshikanyi ne lwi-

so ne bwipayañanyi ne lupata ne
budimbañanyi ne bukutakane mu
mifwatakanyo yonso ne mu ngi-
kadilo yonso, bamisongwe yonka,
ne lubabo, balwana na Leza, ba-
ntu ba kibengo bekulupile'nka abo
bene, bakwitatula ne kwianya,
baaludi ba bilongwa bibi, bakubu-
lwa kukokela bebabutwile, i ba-
mpikwa tunangu, bakubulwa ku-
lama byo besambile pamo, bantu
ba mityima myumu, bampikwa
lusa. Abo bayukile tu'mba Leza
uponeja bonso balongalonga na-
mino amba bafwanyinwe kufwa,
ino abo balonga'byo'nka kulonga,
kadi babingija monka ne bonso
balonga'byo. —Bene Loma 1:29-32

Mwanda muntu yense utonge-lwe kufwa dimo dyonka, pa kup-wa wakafika mu kidye kwa Leza.

—Bahebelu 9:27

Penepa namona bafu bakata-mpe ne batyetye bemene ku lupo-na'lwa. Mikanda yaputulwa. Ne mukanda mukwabo nao waputulwa, i ao wa bumi. Bafu batyibilwe mambo'nka mwendele bilongwa byabo byo balongele, mwendele byobya byadi bilembwe mu mikanda'ya. Ne yense tu katenwepo dijina dyandi mu mukanda wa bumi, nandi waelelwe mu dijiba dya mudilo.

—Kusokwelwa 20:12, 15

Bidi moyo mpata kuponena mu

makasa a Leza mumi!

—Bahebelu 10:31

Nemusapwila'mba mu difuku dya kidye, bantu bakemukijibwa myanda yonso ya kinenenene yo banene.

—Mateo 12:36

Mwanda Leza ukaleta mingilo yonsololo, shi mingilo ka shi mingilo ka, mu kidye, ne bintu byonso bifibwe, shi i bika shi i bika, nansha kikale kiyampe, nansha kibi kine.

—Musapudi 12:14

E mo mukekadila ne pakafula panopantanda. Bamwikeulu bake-ya kutalula babi mu bantu boloke, bakebela mu fulu wa mudilo wekesa, e mo bakadidila bashenkenya meno.

—Mateo 13:49, 50

Meso a Yehova adi monsomo-nso pi na pi, kutala pa babi ne pa bayampe bene. —Nkindi 15:3

Abe Yehova, ubamandaula ubangyukidija. Uyukile mushikatyilo wami ne kataluka kwami, uyukidije kufwatakanya kwami abe kulumpe. Usokolanga dishinda dyami ne kulala kwami, kadi uyukile mashinda ami onso. Mwanda kekudipo mwanda pa ludimi lwami, poso, e! talapo, abe Yehova, uykidije'o. —Ñimboyamitoto 139:1-4

Ke-muntu Yehova kabandila-ngapo mubandidila muntu, mh;m; mwanda muntu ubandila ponka paelele meso, ino Yehova ubandi-

langa pa mutyima.

—1 Samwele 16:7b

Lelo watudile kutwi, abulwe kwivwana? Lelo wapangile diso, abulwe kumona?

—Ñimboyamitoto 94:9

Mwanda meso ami adi pa mashindabo onso; kebafibwepo kumpala yami, ehe, nansha bukondame bwabo kufibwapo ku meso ami.

—Yelemia 16:17

I kutupu nansha kipangwa ki-mo kikokeja kufyama kudi Leza. Bipangibwa byonso i bisokolwe, aye umwene byonso patoka. I kudi aye ko tukeshintulwila batwe bonso.

—Bahebelu 4:13

Lelo ngidi ne nsangaji mu lufu lwa mupupakane'ni, a? i Mfumwetu Leza unena; le kakalukapo bidi ku dishinda dyandi amba amone bumi'ni, a? —Ezekyele 18:23

Enhe! Nemusapwila'mba ne banwe nenu shi kemwalamukilepo pa mityima, mukoneka.

—Luka 13:3

Yewa uputanga kujilula kwandi kakamonepo dyese, ehe; ino yewa usaba ne kwijiba'ko ukafwilwa lusa.
—Nkindi 28:13

Inoko ne pano pene i Yehova unena, Vundamukilai ko ndi ne mityima wenu onso, ne na kushikilwa na nzala, ne na kudila madi-

lo; ne na kuyoyokota, sanai mityima wenu, ino ke mitwelo yenupo, ehe, ne kuvundamukila kudi Yehova Leza wenu; mwanda i wabantu muyule lusalusa, wija pa kufuna bulobo, ne wakanye ka ntanda ne miseke. —Yoela 2:12, 13a

Sela nobe binenwa, kadi mujokele kudi Yehova; mumunene'mba: Fundula bukondame bonsololo, kadi tambula kyokya kiyampe'kyia. —Hosea 14:2a

Waimba ku meso a bantu kanna'mba: Nalonga bubi, ... Waku-la muya wami kwenda mu lubao'mwa ino bumi bwami bukamona mwinya'wa. —Yoba 33:27, 28

KWALAMUKA PA MUTYIMA KULETA LULEKELO 19

Mupupakane azobolole dishinda dyandi, ne mukondame nandi ku mifwatakanyo yandi; ino ajoke kudi Yehova, nandi ukamusokwela lusa; kudi Leza wetu mwanda uka-lekela byamwiko'tu. —Isaya 55:7

Yehova udi pa bwipi na boba ba mutyima mutyumuke, kadi upandijanga bano naminu ba mushipiditu wa kwisasapo.

—Nimboyamitoto 34:18

... amba bakajoke muntu ense ku dishinda dyandi dibi, amba nkalekele bukondame bwabo ne bubi bwabo. —Yelemia 36:3b

Naitabije kudi abe mwanda wami, ne bubi bwami nabo nkyafile'bopo; kwivwana ko nadi na'mba,

nasabe kujilula kwami kudi Yehova; kadi abe wandekele bubi bwa bupya-mambo bwami.

—Nimboyamitoto 32:5

Ino shi tusabe myanda yetu kudi Leza nankyo aye uketulekela bubi bwetu ne kwitutokeja ku bu-kondame bwetu bonso, mwanda aye i wabinebine moloke ulongelanga monka mwaalaile.

—1 Yoano 1:9

Banwe nanshi alamukai pa mi-tyima mutadile kudi Leza, emuji-mankenyne bubi bwenu.

—Bilongwa bya batumibwa 3:19a

Kwalamuka pa mutyima kushintulu-ia'mba i kuvundamina ku bubi ne kwi-busaba kudi Leza monka.

PA KUPWANA BATWE NE LEZA KUFWANINWE KITAPWA

(Bubi bwitusansanya na Leza, dyani 14)

Mwanda bumi bwa ngitu budi mu mashi; ino kadi amiwa naku-pe'o pa madabahu akwimulongela kipwanyo pa mwanda wa bumi'-bwa.

—Bene Levi 17:11

Kubwipi ne byonso tu byatoke-jibwe na mashi mwendele Mukanda wa bijila, mwanda kwakubulwa kumwangika kwa mashi i kutupu kulekelwa kwa bubi.

—Bahebelu 9:22

Kana-kamukōko kenu kakekala kampikwa bulema, kalume ka mwaka umo: . . . Ino kadi oa mashi akemwikadila ke kiyukeno

kya pa mobo mo mudi banwe, kabidi ami pa kumona mashi'a nankyo nkemupita'tu peulu, ne kizengele kekikekalapo ko mudi kwimonakanya. —Divilu 12:5a; 13a

Kadi Abalahama kishima tentu amba: Leza mwine usa kwimwena kana-kamukōko ka kyakwela kisōkwe, abe mwanami; . . . Ebiya Abalahama watulula meso andi amba ntale, ino monapo bidi, kunuyma kwandi mukōko mulume wikkobekelle masengo ku kivunda, kadi Abalahama wakeuyata mukōko'wa, wamwela kyakwela kisōkwe kupingakana pa mwana wandi. —Ngalwilo 22:8a; 13

Ke dyakensha, Yoano wamwene Yesu wiya kwadi, nandi kanena'mba: "Ee! Talai! Mwana mukoko wa Leza wa kutekuna bubi bwa bapanopantanda." —Yoano 1:29

Wasusulwa, nanshi wetyepeja aye mwine ne kwasama kyakanwa kyandi mpika; pamo'nka bwa kana-kamukoko katwalwa ku kwipabwa, ne bwa mutalelanga mukoko kumeso a beutenda moya.

—Isaya 53:7a

Watwelele mu kifuko kijila na-kampata'mwa dimo dyonka kete, ke na mashi a bambuji balume po nansha a bañombe bana, enhe, i na mashi a aye mwine a waketumwenene nao bukudi bwa nyeke

ne nyeke. Ne Kidishitu nandi waelwelwe bu kitapwa musunsa umo onka kufundula bubi bwa bantu bavulevule. —Bahebelu 9:12, 28a

Kemukudilwepo na lupeto lupwa buleme pamo bwa ndalama nansha nsahabu, enhe, i na mashi maleme a Kidishitu wadi'nka bwa mukoko mwana wampikwa bulema nansha biko. —1 Petelo 1:18b, 19

Lelo penepa mashi a Kidishitu nao ke pepi? Aye wepene aye mwine kudi Leza, konka ku Muya Ujila wa nyeke, ne kabulema kene mpika, po pene ao akakendelela tu bilongwa bibibibi bya mityima yetu, amba twingidile Leza mumi.

—Bahebelu 9:14

Ino Leza mu buntu bwandi wibabingija bitupu pa kukulwa na Kidishitu Yesu. I aye watongelwe na Leza ke kyakupwanyina'po, pa mashi andi akula bantu pa kumwitabija. —Bene Loma 3:24; 25a

Ino nanshi Leza wetulombola mwaetusanshilwe'mba po twakidi babipyamambo, Kidishitu wetufwidile. Pano tubabingijibwa na Leza pa mashi andi po penepene nanshi aye uketupandija ku bukalabale bwa Leza.

—Bene Loma 5:8, 9

Ino nanshi tuyukile'mba muntu ubinga kudi Leza'nka pa kwitabija Yesu Kidishitu.

—Bene Galatea 2:16a

Mwanda i pa buntu bwa Leza po mubapandila pa kwitabija. Lupandilo luno kelutambepo ko mudi, i kyabuntu kya Leza, ke lwa pa bilongwa biyampe byetu po, enhe, kutyina'mba muntu waketumbija.

—Bene Efisesa 2:8, 9

Kadi bafumiki badi besambila'-nka aye'mba muntu yense umwitabija, ukalekelwa bubi mu dijina dyandi.

—Bilongwa bya batumibwa 10:43

Nanshi i enka aye Mupandiji kasuku kete, mwanda kekudipo kadi dijina dikwabo pano pantanda ponso dipebwe bantu kudi Leza motukokejeja kupandila.

—Bilongwa bya batumibwa 4:12

Leza watumine mwikeulu Ngabudyele ku kibundi kya mu ntanda ya Ngadilee kitwa bu Nazalete, kudi nsongwakaji mujike wadi mukwatyiilwe na mwana-mulume umo dijina dyandi Yosefa, wa ku musuku wa mulopwe Davida. Dijina dya nsongwakaji'wa i Madia. . . Mwikeulu wamunena'mba: "A Madia kokikwatwa moyo, mwanda ubatokwa kudi Leza. Pano ukemita dimi, ukabutula mwana mwana-mulume, ukamwinyika dya bu Yesu. Ukekala mukata-mpe kadi ukatelwa bu Mwana Mwine Mukatakata Mwine. . . kadi bulopwe bwandi kebukafule-po." Penepa Madia wanena mwi-

keulu'mba: "Lelo bine'byo bika-kokejika namanyi, ami nami byo nkyayukilwe na mwana-mulume?" Mwikeulu wamulondolola'mba: "Muya Ujila ukakutukila podi ne bukomo bwa Mwine Mukatakata Mwine bukakuputa'nka bwa munjiñinyinya. O mwanda wakatelelwa bu Mwana Leza, yewa mwana okabutula'wa. . . Mwanda kekudipo kikomena Leza."

—Luka 1:26b-37

Bantu baile pano pantanda pampi-kwa kusambakana kwa mwana mulume ne mwana mukaji, i enka Adama ne Yesu. Adama waleta bubi pano pantanda, ino Yesu waleta bushindañani pa bubi.

Aye nansha wadi Leza, katelepo mutyima'nka mu kwitumbika bu Leza, wepelwile aye mwine pa kuko-kokela'nka ne ku lufu, lufu nalo kadi ee, lwa ku musalabu tu!

—Bene Fidipai 2:6, 8

Tata ne ami twi umo. Ami nami Leza wantongele, wantuma pano pantanda. Le ke munena nama-nyi'mba ntuka Leza po nemulombola'mba ne Mwana Leza?

—Yoano 10:30, 36

Yesu Kidishitu, Kinenwa kya Nyeke, wadiko kalaa. Pa *kingelengele*, Leza walonga Yesu kwimitwa munda mwa Madia. Ku ngitu, i muyukwe bu Mwana Muntu, ne ku mushipiditu i muyukwe

bu Mwana Leza. Bisonekwa bingidila kishima "Mwana" mwanda wa kulombola kipwano kidi pa bukata bwa Leza ne Kinenwa kyandi—Yesu Kidishitu.

E kyo kyanene Kidishitu kudi Leza, paadi kasake kwiya pano pantanda, amba: "... Ino ubango ke ndi ngitu." —Bahebelu 10:5

Ino mwendele bu Leza bwandi, walombwelwe'mba i Mwana Leza na bukomo bukatampe ku Muya Ujila pa kusangulwa mu bafu.

—Bene Loma 1:4

Tomase wamulondolola'mba:
"A Mfumwami, Leza wami!"

—Yoano 20:28

I amo tu binebine, kifibwe kya
bwine Leza i kikata: I aye wamwe-
kele na ngitu ya bu muntu.

—1 Temote 3:16a

Mwanda mudi aye, mu ngitu ya-
ndi mwikele bu Leza bonso butu-
ntulu. —Bene Kolose 2:9

Mwanda mwana i mwitubutwi-
lwe, mwana mwana-mulume i mwi-
tupebwe po tudi; penepa buledi
bwa ntanda bukekalanga pa kipu-
ji kyandi; ino dijina dyandi diken-
kwa . . . bu-Leza Mukomokomo'tu,
bu-Shandya myaka yonso nyeke,
bu-Mwana-mulopwe wa ndoe.

—Isaya 9:6

Yesu webalondolola'mba: "Ne-
musapwila binebine tu'mba Aba-

lahama'o kabutwilwe nansha ne
kubutulwa kwine, ami ngidi'ko."

—Yoano 8:58

Kadi wadi wikele pano panta-
nda. I Aye wapangile panopanta-
nda. Ino'nka bapanopantanda ke-
bamuyukilepo. —Yoano 1:10

Mwanda kudi Leza umo enka,
kadi nsenga wa pabukata pa Leza
ne bantu nandi i umo enka, i mu-
ntu Kidishitu Yesu, wepene aye
mwine bu kyakukula bantu bo-
nso. —1 Temote 2:5, 6a

E padi aye po tubakudilwa, tu-
balekelwa myanda yetu. Kidishi-
tu i kifwa kimweke kya Leza wa-
mpikwa kumweka.

—Bene Kolose 1:14, 15a

MUKANDA UJILA (BISONEKWA) I KINENWA KYA LEZA

Mwanda kekudipo kifumikwa nansha kimo kyaile ku kiswamutyma kya muntu, enhe. I Muya Ujila wadi utangidila bantu, nabo ke banena bya kwa Leza.

—2 Petelo 1:21

Monka mwaanene kalakala mu bafumiki bandi bajila. —Luka 1:70

Mushipiditu wa Yehova wesambile padi ami, kadi kinenwa kyanzi pa ludimi lwami.

—2 Samwele 23:2

Bisonekwa byonso i bisonekejibwe na Leza ku Muya Ujila, byo bya kufundija ne kudingila madangi ne kufundula bilube ne kulo-

mbola mwa kwikadila moloke.

—2 Temote 3:16

Nankyo byonso byalembelwe kala mu Mukanda wa Leza, byalembelwe kwitufundija'mba pa kuttukija mutyima ne bukankama-ne bwitupa Bisonekwa twikale ne lukulupilo. —Bene Loma 15:4

“Mubaluba mwanda kemujingulwilepo nansha Bisonekwa nansha bukomo bwa Leza.”

—Mateo 22:29b

Ke-wi-muntu abe ubatumbija kinenwa kyobe kibatabuka ne dijina dyobe dine.

—Ñimboyamitōto 138:2b

Wadi uvwele munkukumba mutumpe mu mashi. Dijina dyandi i "Kinenwa kya Leza."

—Kusokwelwa 19:13

Kungalwilo kwine Kinenwa wadi'ko, aye Kinenwa uno'u badi bekele na Leza. Kadi aye Kinenwa uno wadi'nka Leza. Kinenwa uno waalamukile ke muntu, waikala netu pamo.

—Yoano 1:1, 14a

Yesu usokola Leza

Mwanda i enka Leza wanene'mba: "Kitokeji kimunyike mu mfindi", i aye kadi wamunyikila kitokeji mu mityima yetu, amba tuyukidile ntumbo ya Leza ikelema mu mpala ya Kidishitu.

—2 Bene Kodinda 4:6

Kashaa kekudipo muntu wamwene Leza poso'nka Leza Mwana umo enka wikele mu kyadi kya Shandi, ye wamuyukanya.

—Yoano 1:18

Leza wisambila mudi Yesu

Pa kalaa, Leza wadi unena bankambo betu mu bafumiki, ku kyaba ne kyaba, ne mu miswelo ne miswelo. Ino mu ano mafuku a kumfulo, wetunenena mudi wandi Mwana, watudile bu mpyana wa bintu byonso, kadi ne panopantanda pene wapangile'po'nka na aye.

—Bahebelu 1:1, 2

Ami nesamba byonka byanombwele Tata.

—Yoano 8:38a

28 KUDINGAKANYIBWA KWA KINENWA KILEMBE NE KINENWA KYUMI

Mukanda Ujila i byakudya bya mutyima

Muntu kakokejapo kumona bumi mu byakudya byonkabyonka, poso mu kinenwa kyonso kinena Leza.

—Mateo 4:4b

Mukanda Ujila umunika dishinda dyetu

Mwanda obe i kinanu kya ku maulu ami, kadi kitokeji kya mu dishinda dyami.

—Nimboyamitoto 119:105

Kuputula kwa myanda yobe kukananga kitokeji; kupananga kuykidija kudi balembakane.

—Nimboyamitoto 119:130

Yesu i Mukate utukile Mulu

Ami ne mukate mumi utuukile mulu. Shi muntu adye ku mukate uno'u nabya ukekala mumi nyeke.

—Yoano 6:51a

Yesu i Mwinya wa Pano pantanda

I Aye mwine bumi, bumi buno nabo bwaletele mwinya ku bantu. Penepa Yesu webanena monka'mba: "Ami ne mwinya wa panopantanda. Yewa unonda kakanangilapo mu fukutu, ukamona mwinya wa bumi."

—Yoano 1:4; 8:12

Mukanda Ujila uleta Bumi Bulumbuluke

Nanshi mutyima wandi i umutokele mu mukanda-wabijila wa Yehova; e monka mwafwatakanya dyuba ne bufuku. Aye ukekalanga bwa mutyi mukunwe pa tunonga twa mema, wakupa bipa byao pa mwaka wao, ne dyani dyao kufumba mpika; ne byonso byalonga bikalumbuluka.

—Ñimboyamitōto 1:2, 3

BISONEKWA BISAMBILA YESU KIDISHITU

Mukimbakimba'nka mu Bisonekwa, mwanda mufwatakanya kumona'mo bumi bwa nyeke, abyonabyo binsapulanga'nka ami!

—Yoano 5:39

Yesu uleta Bumi Bulumbuluke

Shimatydilai ko ndi'ンka mo nshimatyle ami nami ko mudi. Ami ne mulundu wa vinye, banwe mwi mitabi yao. Yewa ushimete ko ndi, ami nami kwadi, nabya upa bipa bivule. Shi kemushime-tepo ko ndi, nankyo kemukokeja-po kulonga nansha kika.

—Yoano 15:4a, 5

Penepa webashintulwila byonso byamulembelwe mu Bisonekwa, kushilwila'nka ku mikanda ya Mosesa kwendelela ne ku mikanda ya bafumiki bonso. —Luka 24:27

KINENWA KYA NYEKE KYA YEHOVA KEKYALAMUKAPO

Ne ku kala nyeke, abe Yehova, mwanda obe ubakankamikibwa mulu. Kitako kya mwanda obe i binebine. Kadi kutyiba-mambo kobe konsololo koloke kwikale nyeke. —Ñimboyamitōto 119:89, 160

Biyombo byuma, maluba afumba, ino kinenwa kya Yehova Leza wetu kikekalanga nyeke ne nyeke.

—Isaya 40:8

Pakidipo diulu ne ntanda keku-katalulwapo kakilembwa nansha katyetyetyetye ka Mukanda wa bijila, poso byonso bifike.

—Mateo 5:18b

Kadi ne kyokya kilembwa keku-

bwanya kujilulwa'kyo, mhm.

—Yoano 10:35b

*Muntu kaki tompa kwalamuna
Mukanda Ujila*

Kokalundapo ku binenwa byandi, kutyina'mba wakakudingila, ino utanwa kodi wabubela.

—Nkindi 30:6

Kadi shi muntu atalule'ko bine-nwa bimo bya bufumiki bwa mu-kanda uno'u, Leza nandi ukamu-talwila kitungo kyandi kya ku mutyi wa bumi, ne kya mu kibundi kijila.

—Kusokwelwa 22:19a

Yewa ufutulula kinenwa wilete-la kōneka.

—Nkindi 13:13a

LUFU LWA YESU LWAFIKIJIJE MILANGWE YA LEZA 31

Tata unsenswe mwanda natula bumi bwami amba nkebuyate di-kwabo. Kekudipo ungyato'bo, natula'bo mo nsakile ami mwine. Ndi ne lupusa lwa kutula'bo ne lwa kwibuyata monka.

—Yoano 10:17, 18a

Le nanshi abe kuyukilepo'mba ami nkokeja kwita Tata amba: . . . “Nkwashe”, nandi wantumina ponka na ponka bibumbo bya mavita a bamwikeulu bitabukile ne pa dikumi ne bibidi? Ino shi bino kebilongekelepo pano, nankyo byobya byalembelwe mu Bisonekwa bikafikidila namanyi? Nabyo binene’mba bino’bi bifwa-

nyinwe kufika’nka naminou’u.

—Mateo 26:53, 54

Ino namo e mo mwafikijije Leza kyaalombwele kalakala na bafumiki bonso’mba: “Meshia wandi ukamona bidi malwa.”

—Bilongwa bya batumibwa 3:18

Aye Yesu uno wemupelwe ko mudi’nka mwadi musakile Leza mwine, mwaadi ulongolwedile kala. Ino banwe mwamwipaile, po mwamupele bantu babi bamupopa ku musalabu.

—Bilongwa bya batumibwa 2:23

Ino nanshi kyamutokeja Yehova kumusonsakanya: wamususula; pa kwela muya wandi ke kya-kwela kya bubi. —Isaya 53:10a

32 LUFU LWA YESU LUSAPULWE NA BATUMONI

Bapopele monka bangivi-ntapanyi babidi ku misalabu ibidi, au ku mutamba wa kuboko kulume au nandi ku wa kuboko kukaji. (Inamino'u mwafikijibwe ne Kisonekwa kinena'mba: "Wabadilwe pamo na banongabibi.")

—Mako 15:27, 28

Penepa dyuba pa kufika umitwe, mfindi yasambakana mu ntanda yonso kufika'nka ne pa nsa isatu ya kyolwa. Penepa Yesu wanyingija diwi monka bikatampe, watula ne muya!... Nshi yajina, mabwe nao ke aladika. Mwadyavita mwine Loma, ne basola bene baadi ulama nabo Yesu, nabo pa

kumona kujina kwa nshi ne byonso byalongekele'po, moyo webakwata mpata, ke banena'mba: "Ee! nanshi wadi Mwana Leza bine!" —Mateo 27:45, 50-51, 54

Bafika padi Yesu bamutana ke mufwe kala, baleka ne kumutymuna maulu andi mene. Ino sola umo wamutapa mukobe mu mpamvu, mashi ne mema ke atambe'mo ponka na ponka.... Abyo byalongekele kufikijija Kisonekwa kinena'mba: "Kebakamutymunapo kikupa nansha kimo." Ne Kisonekwa kikwabo kinena'mba: "Bakamubandila yewa o batapi-le." —Yoano 19:33-37

Nanshi aye Leza wamusangwile, wamukutulula ku misongo ya lufu, mwanda kakokejepo kwikala mukutwe na lufu. I uno Yesu uno'u, Leza wamusangwile, batwe twamwene ne mwaasangukile.

—Bilongwa bya batumibwa 2:24, 32

Mwanda bana batela bano, badi ne ngitu idi ne mashi. Yesu nandi waalamukile'ンka bwa abo, waikele ne ngitu idi ne mashi. Waalamukile nabya'mba pa kufwa onakanye Nongojanyi wadi ukwete bukomo bwa lufu, anyongolole bonso badi bu bapika ba moyo wa lufu mu bumi bwabo bonso.

—Bahebelu 2:14, 15

“Ee, abe lufu, bushindañanyi

bobe budi kwepi le? Ee, abe lufu, lunonga lobe ludi kwepi?” Ee, nanshi afwijibweko Leza witupa bushindañanyi padi Mfumwetu Yesu Kidishitu.

—1 Bene Kodinda 15:55, 57

Ami ne Mumi. Kufwa shako na-fwile, ino pano ne mumi nyeke ne nyeke. Ngidi ne mfungulo ya ku lufu ne ya ku kalunga-nyembo kwine.

—Kusokwelwa 1:18

Ino pano wetufikijija'bo pa kusokoka kwa Mupandiji, Kidishitu Yesu, waipaile lupusa lwa lufu, wamwekeja bumi ne kubulwa kufwa kwine, mu Myanda Miyampe.

—2 Temote 1:10

Tala bidi, naimana pa kibelo nkokola, shi kudi waimvwana di-wi dyami anshitwile, nami nka-twela mwandi, ke ndye nandi, na-ndi kadye nami. —Kusokwelwa 3:20

Yewa kengilapo, ino witabije'-nka yewa ubingija babipyambo, nandi ukatelwa bu moloke pa mwanda wa lwitabijo lwandi.

—Bene Loma 4:5

Tambulai Muya Ujila! Pano lombai mutambule, penepa nsangaji yenu nayo ibwanyinyine.

—Yoano 20:22b; 16:24b

Amba shi unene tu mu kyaka-nwa kyobe'mba Yesu i Mfumwa-mi, kadi umwitabije ne mu mutyi-ma obe'mba Leza wamusangwile

mu lufu, nankyo ubapande.

—Bene Loma 10:9

Yewa usenswe shandi nansha inandi kutabuka amiwa, nabya kamfwanyinwepo. Penepa kadi Yesu wanena bana bandi ba bwanga'mba: "Shi muntu usa ku-nonda nabya epele aye mwine, asele musalabu wandi anonde. Mwanda yewa usaka kupandija bumi bwandi ukebujimija. Ino ye-wa ukajimija bumi bwandi pa mwanda wa ami, ukamona'bo.

—Mateo 10:37a; 16:24, 25

Byo mudi ba Kidishitu nankyo mwi bana ba Abalahama, mukata-mbula bupyanyi bwalaile Leza.

—Bene Galatea 3:29

Bukamonyi bwine i buno'bu:
Leza wetupele bumi bwa nyeke,
ne bumi buno i bwitupebwe mudi
wandi Mwana. Yewa udi ne
Mwana udi ne bumi, ino yewa
kadipo Mwana Leza nabya kadipo
ne bumi. —1 Yoano 5:11, 12

Ino Leza i wa lusa lukatampe,
mwanda mu kisango kyandi kika-
tampe kyaetusenswe, wetupele
bumi na Kidishitu po twadi bafwe
mwanda wa kutupatupa kwetu. (I
pa buntu bwandi po mubapandila).
—Bene Efisesa 2:4, 5

Nanshi pano ndi ne bumi, ino ke
amiwa po mwine wikele na bumi, i
Kidishitu mumi wikele mudi ami.

Kadi bumi bupya buno bo ndi
nabo mu ngitu yami, ngidi nabo
mu lwitabijo lo ngitabije Mwana
Leza. —Bene Galatea 2:20a

Mwanda lupusa lwa Muya Ujila
uleta bumi mudi Kidishitu Yesu
lubanyongolola ku kijila kileta
bubi ne lufu. —Bene Loma 8:2

Shi muntu kadi ne Kidishitu
nankyo ke mupangwe kipyा,
byobya bya kala bibajimina, pano
ke bipyा. —2 Bene Kodinda 5:17

Kadi mubabutulwa dipya, ke ku
lukunwa lubola po, anha, i ku lu-
kunwa lwampikwa kubola lwa
Mwanda mumi wa nyeke ne nyeke
wa Leza. —1 Petelo 1:23

Shandya bakubulwa bashabo,
ne mutyibi wa bakaji-babafu, i Le-
za mu kikalo kyandi kipandulwe-
mo.

—Nimboyamitōto 68:5

Ino pano namin a Yehova, abe
wi tata; batwe twi dilongo, abe ye
umbumbi wetu; kabidi batwe
bonsololo twi mingilo ya makasa
obe. Abewa a Yehova wi tata we-
tu, mukudi wetu, dijina dyobe i
dya nyeke ne nyeke-ke.

—Isaya 64:8; 63:16b

Kadi kikafika nenki, muntu mo
kyanenenwa po badi amba: Kemu-
dipo bantu bami; kikanenwa ko
badi amba: Mwi bana ba Leza
mumi.

—Hosea 1:10b

Ino banwe'ko babi muyukile
kupa benu bana bintu biyampe, le
Shenu wa mulu ke pepi? Abulwe
namanyi kwibapa bintu biyampe
boba bamulomba? Talai, mufwa-
nyinwe kulomba namin amb:
“A Tata wetu wa mulu, Buujila
bwa dijina dyobe buyukwe.”

—Mateo 7:11; 6:9

Nami nkemutambula. Nkekala-
nga Shenu, nenu mukekala bami
bana, bana-balume ne bana-baka-
ji. I nankyo mubanenena Vidye
Mukulu Wabukomobonso!

—2 Bene Kodinda 6:17b, 18

Bonso batangidilwe na Muya
wa Leza bo bana benebene ba Le-
za.

—Bene Loma 8:14

Yesu wamulondolola'mba: "Dishinda i ami, kadi ne bubinebine, kadi ne bumi. Kekudi nansha umo wendela dingi kudi Tata poso pa ami. Shi mundyukile ami nankyo muyukile ne Tata. . . . Yewa unse-nswe ami ne kukokela kinenwa kyami, Tata nandi ukamusanswanga."

—Yoano 14:6, 7, 23b

Ino kitatyi kitungwe po kyafiki-le, Leza watumine wandi Mwana, wabutulwa ne mwana-mukaji'nka bwa bantu bonso, kadi wabutwidilwe mu bubikavu bwa Mukanda wa bijila, amba akule bonso baponejibwe ne Mukanda wa bijila, amba tuyatwe bu bana batame ba Leza. Mwanda i enka pa kwitabija

Kidishitu Yesu po mwikadile bu bana ba Leza.

—Bene Galatea 4:4, 5; 3:26

Penepo boba bamutambwile, nandi webapele lupusa lwa kwika-la ke bana ba Leza, ke boba ba-mwitabija kadi.

—Yoano 1:12

Ino shi kadi muntu apye mam-bo, tudi kala ne Nsenga Mukwa-shi wa kwitunenena kwa Tata, i Yesu Kidishitu Moloke.

—1 Yoano 2:1b

Mwanda i padi Kidishitu po tukojeja batwe bonso, Bayuda ne bamizo ingi, kutwelela mwa Tata na Muya Ujila umo yenka.

—Bene Efisesa 2:18

Leza i kisanso, yewa wikele mu kisanso, wikele mudi Leza, Leza nandi wikele munda mwandi.

—1 Yoano 4:16b

Ikalai biyampe banwe bene na bene, ikalai ne mutyima wa kanye. Mwilekelei myanda banwe bene na bene, enka mwemulekele ne Leza nandi mudi Kidishitu.

—Bene Efisesa 4:32

Shi mwisanswe banwe bonso, nankyo bantu bonso bakayuka'-mba mwi bana bami ba bwanga.

—Yoano 13:35

Ino kipa kya ku Muya Ujila i kinno: i kisanso, ne nsangaji, ne ndoe.

—Bene Galatea 5:22a

Ukandaijanga dishinda dya bumi; mu kifuko kyobe mudi bungi bwa tusepo, bā! Mu kuboko kobe kwa lundyo mudi byakulolelwia bya nyeke na nyeke.

—Ñimboyamitōto 16:11

Penepo nanshi, byo tubabingiji-bwa ne Leza pa Iwitabijo, pano ketudi mu ndoe na Leza padi Mfumwetu Yesu Kidishitu.

—Bene Loma 5:1

Nemushila ndoe, nemupe ndoe yami, yami ya ami mwine. Nkimupele'yopo mupelañena'yo bapanopantanda. Kemukizumbijazumbajai mityima ne kukwatwa moyo.

—Yoano 14:27

YESU UKASANGULA BANA BA BWANGA BA BINEBINE

39

Kadi shi Muya Ujila wa yewa wasangwile Yesu mu bafu wikele munda mwenu, nankyo yewa wasangwile Kidishitu Yesu umbafu ukapa ne ngitu yenu ifwa mine bumi ku Muya Ujila wikele munda mwenu.

—Bene Loma 8:11

Kisaka Tata i kino'mba: "Bonso bakumone abe Mwana, kadi bakwitabija, batambula bumi bwa nyeke, nobe ukebasangula mu lufu mu difuku dyamfulo."

—Yoano 6:40

Yesu nandi wamulondoloa'mba: "Ami uno ne kisangukilo kadi ne bumi. Yewa ungitabija nandi uke-

kala mumi nansha uwile."

—Yoano 11:25

Mwanda enka mwamwekele lufu pa muntu umo, ne kusanguka nako kubamwekela pa muntu umo. Monka mufwila bonso ba Adama, e mo mukasangukila ne bonso ba Kidishitu, ino abo bonso badi ne milongo yabo: umbajinji kusanguka udi bwa kipa kibajinji kya mulakisho i Kidishitu, kulonda'ko ke boba bandi, popa pakeya.

—1 Bene Kodinda 15:21-23

Ino banwe shenu mukammona mwanda ne mumi, banwe nenu mukekala bomi monka.

—Yoano 14:19b

40 KOKAVULAMINWA LUNO LUPANDILO LUKATA

Mwanda shi muntu wajilula
Mukanda wa bijila wa Mosesa, ba-
ntu babidi nansha basatu bamu-
mone, nabya wipaibwa kwampi-
kwa ne kufwilwa lusa kwine. Le
penepa bikekala namanyi kudi ye-
wa ufutulula Mwana Leza ne ku-
mona mashi a kipwano bu ampi-
kwa buleme, oa mashi amutokeje,
kadi atuke ne Muya Ujila wa bu-
ntu?
—Bahebelu 10:28, 29

Yewa umpela ami, upela kadi ne
binenwa byami, nabya wamone
kala kyakumuponeja: i binenwa
byo nnena bino e byo bikamupo-
neja mu difuku dya mfulo.

—Yoano 12:48

E kyo nemunenena'mba muka-

fwa'nka na mambo enu. Shi kemun-
ngitabijepo'mba ami ne Ngidi na-
nkyo mukafwa'nka na mambo
enu.
—Yoano 8:24

A balunda nami, nemusapwi-
la'mba kemukityinai boba bepa-
ya'nka ngitu yonka, kuyuka kulo-
nga kikwabo mpika. Ke nemulon-
mbola o mufwanyinwe kutyina.
Tyinai Leza, aye wipaya, kadi udi
ne lupusa lwa kwela mu kalunga
ka mudilo. Nemulombola bine'-
mba i aye o mufwanyinwe kutyi-
na!
—Luka 12:4, 5

Le penepa batwe netu tukapa-
nda namanyi shi tufutulule lupa-
ndilo lukatampe namino'lu?

—Bahebelu 2:3a

Utungile kala ne difuku dyakyibila bapanopantanda bonso mambo mu boloke padi muntu umo waatongele. Wayukanya'ye ku bonso pa kumusangula ku lufu. —Bilongwa bya batumibwa 17:31

Kadi Shandi katyibilapo muntu mambo nansha umo, ino wape Mwana lupusa lonso lwa kwabyibila mambo, amba bantu bonso balemeke Mwana enka mo balemekele Shandi. —Yoano 5:22, 23a

Mwanda batwe bonso tukemana patoka too ku kipona kya kideye kya Kidishitu, aye uketusambija mwa kupela muntu ne muntu kyokya kimufwanyinwe monka mwalongele muntu, shi biya-

mpe, shi bibi, paadi mu ngitu yandi. —2 Bene Kodinda 5:10

I mudi Kidishitu Yesu mukatyibila Leza mambo a bilongwa byonso bifibwe bya bantu, mu dyodya Difuku. —Bene Loma 2:16b

Pakasokoka Mfumwetu momwa mulu mu lubimbi lwa mudilo pyaa ne bamwikeulu ba bukomo bwandi. Ukamwesha malwa boba bampikwa kuyuka Leza ne bakubulwa kukokela Myanda Miyampe ya Mfumwetu Yesu.

—2 Bene Tesalonika 1:7b, 8

Ino boba balwana nami, bampelele ami kubikala bulopwe, mwibaletei pano, mwibepaye kumeso ami. —Luka 19:27

**42 KE BONSO PO BETELA'MBA TULONDA YESU
BEKALE BANDI, MHM**

Banena'mba: "Tuyukile Leza",
ino bamutuna mu bilongwa bya-
bo.

—Tetusa 1:16a

Yewa kadipo ne Muya wa Kidi-
shitu, nankyo ke wandi po.

—Bene Loma 8:9b

Kabidi bashikata kumeso obe
bwa bami bantu, ino bomvwana
binenwa byobe, ino'nka kwibi-
longapo mpika; mwanda ku
kyakanwa kyabo balombola bya-
lusalusa bingibingi, ino nanshi
mityima wabo ulondanga ka-
mweno kabo.

—Ezekyele 33:31b

Ke bonso po bantela'mba:
"Mfumwetu, Mfumwetu" baka-

twela mu Bulopwe bwa mu madiu-
lu, anha, poso boba balonga musa-
kile Tata udi mu madiulu. Pakafi-
ka dyodya difuku'dya, bavule ba-
kangita'mba: "A Mfumwetu,
Mfumwetu, ketwadipo tufumika
mu dijina dyobe? Kadi mu dijina
dyobe ketwadipo tupanga biba-
nda a? Kadi mu dijina dyobe ke-
twadipo tulonga bingelengele bi-
vule?" Ino ami nkebalondolola'-
mba: "Nkimuyukilepo kasha!
Ntalukei papo banwe baloñanga
bubi."

—Mateo 7:21-23

Bano bantu bandemekela'nka
ku milomo, ino mityima yabo ku-
lampe.

—Mateo 15:8

BAKULONDA YESU BABINEBINE BAMUKOKELANGA

43

Shi tukokele binenwa bya Leza nankyo tuyukididila tu'mba tuba-muyuka.

—1 Yoano 2:3

Byobiya nkatula mushipiditu wami munda mwenu, ne kwimu-nangija mu bitungo byami; ino mukalama misoñanya yami ne ku-longa'yo.

—Ezekyele 36:27

Pa kupwa kulumbululwa ke mu-bwanyinyine, waalamukile ke nsulo ya lupandilo lwa nyeke ku bo-nso bamukokela.

—Bahebelu 5:9

Mubanyongololwa ku bubi, ke mudi bapika ba boloke.

—Bene Loma 6:18

Mwanda i aye Leza wetulongo-

lola, wetupangulwila mudi Kidishitu Yesu amba tulonge bilongwa bilumbuluke byatongele kala'mba twibilonge.

—Bene Efisesa 2:10

Shi Kidishitu wikele munda mwenu nankyo ngitu yenu i mifwe pa mwanda wa bubi, ino Muya Ujila i bumi mwanda mubabingijibwa kudi Leza. Mwanda shi munangila umbungitu nabya mu-kafwa. Ino shi munangile musakila Muya Ujila, mwipaye ngikadilo yenu ya bungitu, nabya mukekala bomi.

—Bene Loma 8:10, 13

Yense witela bu wa Mfumwetu ufwanyinwe kuvundamina ku bi-bi.

—2 Temote 2:19b

BA PANOPANTANDA BASHIKILWE BAKULONDA YESU

Shi bapanopantanda abemushikwe, yukai byo babadikile kala kunshikwa ami mwine. Shi mwadi bapanopantanda longa bapanopantanda bemusenswe mwanda mwi babo. Ino banwe nemutongele nematalula mu bapanopantanda, kemukidipo bapanopantanda, enhe. E kyo kimushikilwe bapanopantanda. —Yoano 15:18, 19

Kadi kukafika kitatyi kyo bakenwipaya, banena'mba: 'I mingilo ya Leza yo twingila.' Bakalonga nabya mwanda kebayukilepo nansha Tata nansha ami mwine.

—Yoano 16:2b, 3

Ee! Talai mwitusanshilwe Tata!

Buswe bwandi bwine i buno bo tubatelwa bu bana ba Leza! I bu bana bo tudi buno'bu. Panopantanda kepetuyukilepo mwanda kepamuyukilepo kala ne Tata mwine.

—1 Yoano 3:1

Pa kukatwela mu Bulopwe bwa Leza, tufwanyinwe kumona bidi malwa mangimangi.

—Bilongwa bya batumibwa 14:22b

Bine, bonso batele mutyima umbwine Kidishitu bakapangwapa pangwa. —2 Temote 3:12

Pano pantanda mukamona bya kwimususula, ino nanshi kankamanai! Ami nanekanya panopantanda! —Yoano 16:33b

Kokakwatwapo moyo, mwanda ndi nobe kokizumbazumbapo, mwanda ami ne Leza obe, nkakukomeja; eyo, nkakukwasha; eyo nkakukankamija ne kuboko kwa lundylo kwa boloke bwami.

—Isaya 41:10

Ke-bantu batata ne lolo abandekelala, nanshi Yehova ukamboyanaga. —Ñimboyamitoto 27:10

E kyo tunenena ne bukankama-ne'mba: "Vidye Mukulu i mukwashi wami, Nkikakwatwapo moyo, enhe. Lelo muntu ukokeja kunonga kika?" —Bahebelu 13:6

Mwi bakatokwe shi bemutuka'

mba mwi bene Kidishitu, mwanda aye Muya Ujila wa ntumbo, Muya wa Leza, udi po mudi.

—1 Petelo 4:14

Ke-muntu aye ukalaijanga bawmikeulu bandi padi abe, Bakukulela mu mashinda obe onso. Nkikakwatyibwapo moyo ku kibi, shi kika, shi kika, mhmm; mwanda abe udi nāmi.

—Ñimboyamitoto 91:11; 23:4b

Nkokeja byonso padi Kidishitu unkomejanga. Bine padi Kidishitu Yesu, Leza wami ukemupelella byonso byo mubudilwe monka mwikadile kala bupeta bwandi bukatakata. —Bene Fidipai 4:13, 19

Bitompwa byonso byemufikile i byonka bifwanyinwe pa bukomo bwa muntu. Leza i wa binebine, kakokejapo kwimuleka bitupu'-mba mutompibwe na bimutabukile bukomo, anha. Bitompibwa po bifika ko mudi nandi ukemupa bukomo bwa kwibinekenya, amba mumone mwakutambila'mo.

—1 Bene Kodinda 10:13

Tufwenei nanshi ne lukulupilo ku lupona lwa Mulopwe wa buntu amba etufwile lusa, etupe buntu bwa kwitukwasha mu kyaba kyo-
nso kyo tusaka bukwashi.

—Bahebelu 4:16

Ino shi twikale mu mwinya mwikadile Leza mwine mu mwi-

nya, nankyo netu tupwene batwe bene na bene, ne mashi a Yesu wandi Mwana etutokejanga ku bubi bonsololo.

—1 Yoano 1:7

Nyema byakusakasaka bibi bya busongwalume, kimba'nka boloke ne lwitabijo ne kisango ne ndoe na boba babija Mfumwetu ne mutyi-ma wampikwa mambo.

—2 Temote 2:22

Nanshi kokelai Leza, pelai Ñongajanyi, nabya nandi ukemunye-ma.

—Yakoba 4:7

Kinenwa kyobe nabika'kyo umutyima wami, Na'mba naka-kupya mambo.

—Ñimboyamitōto 119:11

MILOMBELO YA BINEBINE I KUTWELA MU KIPWANO NA LEZA

47

Papo po wanena'mba: Kimba mpala yami; kwivwana ku mutyima wami nao wakunena'mba: Mpala yobe, abe Yehova, nkakimbanga'yo. —Ñimboyamitoto 27:8

Mukulupilei mafuku onso nyeke, banwe bantu; Pungulwilai mityima yenu mu kifuko kyandi, Leza i mpakala yetu.

—Ñimboyamitoto 62:8

Bampandije nabya nkapandiji-bwa; mwanda abe wi lutendelo lwami.

—Yelemia 17:14b

Lombai nyeke kuleka mpika. Fwijai Leza umbyonsololo tu, e kyo kisaka Leza ko mudi banwe

badi mudi Kidishitu Yesu.

—1 Bene Tesalonika 5:17, 18

Shi mwikale munda mwami ne binenwa byami nabyo munda mwenu, nabya mukalomba kynoso kyo musaka, mwikimona.

—Yoano 15:7

Nakimbile Yehova nandi wangitabija, Kadi wanyongolwele ku byamoyo byami byonso.

—Ñimboyamitoto 34:4

Shi ngakamwe bubi umutyima wami, nankyo Mfumwami kangivwenepo, mhm. Abe Yehova, pa mwanda wa dijina dyobe, Ndekele bubi bwami, ke-buntu i bukata-mpe. —Ñimboyamitoto 66:18; 25:11

Mwanda pa kelwa Iwanji luka-ta, mwifeulu mukatampe nandi ukela lubila, ne kimpungidi kya Leza kikavuma, Mfumwetu aye mwine ukatuuka momwa mulu. Boba bafwidile mudi Kidishitu bakabadikila kusanguka, penepa ne batwe bakatanwa bomi netu tukatekunwa nabo pamo mu makumbi kukasambakana ne Mfumwetu mulu. I enka nankyo mo tukekadila nyeke ne Mfumwetu.

—1 Bene Tesalonika 4:16, 17

A baswe, byo tudi ne ino milao ino'i, twitokejei byobya byonso bifityija ngitu ne bifityija maya bine, tukankamane kwikadidila bapandulwemo ne kulemeka Leza

ponka. —2 Bene Kodinda 7:1

Amba tukekale ne bukankama-ne pakamweka, ne kufwa bumvu mpika po tukafwena kumeso andi mu difuku dyakafika.

—1 Yoano 2:28b

Nenu tuukijai mityima, mwikale ne mityima mikankamane, mwanda kwiya kwa Mfumwetu ke kudi pabwipi. Banwe banabetu, kemukiuningilaunyingila banwe bene na bene, kutyina'mba Leza wakemwela mu kidye. Talai Mutyibi kadi pa kibelo. —Yakoba 5:8, 9

Nenu monka tengelai mwanda Mwana Muntu ukaya'nka pa kita-tyi kyo kemutelepo mutyima.

—Luka 12:40

YULWAI MUYA UJILA WA LEZA

Alukai pa kukoma kwami; Talapo bidi, nkapungulula mushipiditu wami ko mudi, Nkayukija binenwa byami ko mudi.

—Nkindi 1:23

Alamukai pa mityima mubatijwe banwe bonso mu dijina dya Yesu Kidishitu, Leza emulekele bubi bwenu, penepa mukatambula ne kyabuntu kyandi kya Muya Ujila.

—Bilongwa bya batumibwa 2:38b

Kemukikolwai malwa, mwanda emuletela kavutakanya, ino nanshi yulwai Muya Ujila. Mwisambei banwe bene na bene'nka

na ñimbo ya mitoto, ne ñimbo mikwabo, ne ñimbo ya ku mityima. Imbilai Mfumwetu, mumutendelei ne mutyima onso. Fwi-jaiko Leza Tata bitatyi byonso, ne pa mwanda onso mu dijina dya Mfumwetu Yesu Kidishitu. Banwe bakaminwe Kidishitu mwikokelei banwe bene na bene.

—Bene Efisesa 5:18-21

Le kemuyukilepo'mba banwe mwi njibo ya Leza, kadi ne Mu-ya Ujila wa Leza nandi wikele munda mwenu? Mwanda mwi bapotwe ku lupoto lukomo! Tumbijai Leza nanshi na ngitu yenu. —1 Bene Kodinda 3:16; 6:20

Scripture text reprinted from the Bible in Kiluba by permission of United Bible Societies Africa Regional Centre, Nairobi, Kenya.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

Buntu Bitupu — Ampikwa Kupoteja

www.wmpress.org

12-17

1528 Kiluba HKG